

四庫全書

史部

欽定四庫全書

史部

欽定日下舊聞考卷一百五十六

四王

詳校官廉吉士

臣范逢恩

檢討臣德生覆勘

總校官進士

臣程嘉謨

校對兼謄錄進士

臣單可堪

欽定四庫全書

欽定日下舊聞考卷一百五十四

邊障

原居庸關洪武元年大將軍徐達建城跨兩山周一十三里高四丈二尺關東自西水峪口黃花鎮界九十里西至鎮邊城堅子谷口紫荆關界一百二十里南至榆河驛宛平縣界六十里北至土木驛宣府界一百二十里

里

四庫全書

卷一百五十四

原何謂九塞大汾冥阮荆阮方城穀井陘今疵句注居

庸

呂覽淮南子同大作太冥作澠穀下有坂字

補太行首始河內自河內至幽州凡有八陁

述征記

補八陁一軹關陁二太行陁三白陁四滄口陁五井陘

六飛狐陁七蒲陰陁八軍都陁

同上

原居庸亦謂之冷陁

問次齋稿

補居庸亦曰冷陁陁又作硯新唐書孫佺為幽州都督

率兵十二萬討奚李大酺分三屯以副將李楷洛周以

梯領之次冷硯楷洛與大酺戰不勝是也

穆堂雜抄

原居庸在上谷沮陽之東通軍都關

淮南子注

原關在沮陽城東南六十里居庸界故關名矣使者入上谷耿況迎之于居庸關即是關也其水道源關山南流歷故關下谿之東岸有石室三層其戶牖扇扉悉石也蓋古關之候臺矣南則絕谷累石為關址崇墉峻壁非輕功可舉山岫層深側道徧狹林障據嶮路才容軌曉禽暮獸寒鳴相和羈官遊子聆之者莫不傷思矣其

水歷山南逕軍都縣界又謂之軍都關續漢書曰尚書
盧植隱上谷軍都山也其水南流出關謂之下口水流

潛伏十許里是也

水經注

原漢志有軍都居庸兩縣蓋縣各有關按蘇林注但言

居庸有關而軍都則否蓋北魏時曾分置兩關爾

通鑑注

原晉咸康六年慕容皝帥諸軍入蠕蠕塞直抵薊城永
和六年慕容雋使慕容霸將兵二萬自東道出徒河慕
興于自西道出蠕蠕塞又太元十年慕容垂遣慕容農

出嶠嶠塞嶠嶠即居庸音轉耳

方輿紀要

原北齊改居庸關為納欵關

通典

原幽州昌平縣西北三十五里有納欵關即居庸故關

亦謂之軍都關古夏陽川也

新唐書志

原媯州懷戎縣東南五十里有居庸塞東連盧龍碣石

西屬太行常山實天下之險

同上

原居庸關亦名薊門關

十道志

原幽州昌平縣北十五里有軍都陁

通鑑注

原會昌五年詔毀天下佛寺并勅僧尼歸俗五臺僧多
奔幽州李德裕以責幽州帥張仲武仲武封二刀付居
庸關曰有遊僧入境則斬之

通鑑

原太行山南自河陽懷縣迤遑北出直至燕北無有間
斷此其為山不同他地蓋數千百里自麓至脊皆險峻
不可登越獨有八處粗通微徑名之曰陁居庸關者其
最北之第八陁也此陁東西橫亘五十里而中間通行
之地才濶五步

北邊
備對

原李英上書高琪曰中都之有居庸猶秦之崤函蜀之

劍門也

金史
本傳

原闕在昌平西北四十里元翰林學士王恽謂始皇築
長城居息庸徒于此故以名焉

呆齋
稿

補居庸闕世傳始皇北築時居庸徒於此故名兩山巉

絕中若鐵峽控扼南北實為古今巨防

中堂
事記

原居庸闕南口有城南北二門魏書謂之下口常景傳
都督元譚據居庸下口是也北齊書謂之下口文宣紀

天保六年築長城自幽州北夏口至恒州九百餘里是也元史謂之南口亦謂之西關三國志田疇乃上西關出塞傍北山直趨朔方是也亦謂之軍都關漢立軍都縣于山之南今州東四十里有軍都村後漢盧植隱居昌平軍都山中昭烈修弟子禮事之晉段匹磾欲擁其衆徙保上谷阻軍都之險以拒末波魏道武伐燕遣將軍封真等從東道出軍都襲幽州是也亦謂之渾都史記絳侯周勃世家屠渾都是也亦謂之納款關通典

古居庸關在昌平縣西北齊改為納款是也自南口而
上兩山之間一水流焉而道出其上十五里為關城跨
水築之有南北二門以參將一人通判一人掌印指揮
一人守之又設巡關御史一人往來居庸紫荆二關按
視焉城之中有過街塔臨南北大路累石為臺如譙樓
而竅其下以通車馬上有寺名曰泰安正統十二年賜
名下竅處刻佛像及經有漢字亦有番字元泰定三年
所鑄也果囉洛納延詩序言關北五里有勅建永明寶

相寺宮殿甚壯麗三塔跨于通衢車騎皆過其下今蓋

亡其二矣又八里為上關有小城南北二門

昌平山水記

補居庸關過街塔城歐陽元功奉勅撰碑賜白金五十

兩

說學集

增關門南北相距四十里

今有南口北口兩千戶所

兩山夾峙下有

巨澗懸崖峭壁稱為絕險地理志居庸關東連盧龍碣

石西屬太行常山實天下之險

方輿紀要

原南口門堡城一座上關城一座俱永樂二年建

四鎮三關志

原建武十五年徙雁門代郡上谷三郡民置常山居庸

關以東

後漢書光武帝紀

原安帝元初五年冬鮮卑入上谷攻居庸關建光元年

復侵居庸

後漢書鮮卑傳

原劉虞與官屬北奔居庸

後漢書本傳

原公孫瓚攻拔居庸生擒劉虞

同上

原田疇自選家客二十騎上西關出塞傍北山直趨朔

方

三國志

原西關即居庸關

通鑑注

原晉惠帝元康四年居庸地裂廣三十六丈長八十四

丈水出

晉書五行志

原常景遣府錄事參軍裴智成發范陽三長之兵以守

白巘都督元譚據居庸下口俄而安州石離兗城解鹽

三戍兵反結杜雒周有衆三萬餘落自松岍赴敵譚勅

別將崔仲哲等截軍都關以待之仲哲戰沒雒周又自

外應之腹背受敵譚遂大敗

魏書

原則天時侍御史桓彥範受詔于河北斷塞居庸岳嶺

五迴等路以備突厥

舊唐書

原張仲武討幽州遣軍吏吳仲舒奏狀言幽州糧食皆在媯州及北邊七鎮萬一未能入則據居庸關絕其糧

道幽州自困矣

通鑑

原乾寧元年二月河東兵敗燕軍于居庸李匡籌挈其

族遁去

舊唐書

原符存審從晉王擊李匡籌為前鋒破居庸關

五代史

原幽州西北居庸關又西北石門關關路崖狹一夫可

以當百

隋書
記

原遼神冊二年三月太祖攻幽州節度使周德威以兵

拒于居庸關之西

遼史太
祖紀

原乾亨間燕京留守司請弛居庸關稅以通山西糴易

遼史食

貨志

原保大二年春正月上出居庸關至鴛鴦灤十一月蕭

德妃五表于金求立秦王不許以勁兵守居庸及金兵

臨闕崖石自崩戍卒多靡死不戰而潰

遼史天祚帝紀

原金天輔六年十二月上伐燕京次居庸闕遼統軍都

監高六等來送款

金史太祖紀

原尼雅滿攻居庸闕慮居庸難取遂分兵由紫荆口金

坡闕攻易州及出奇取鳳山沿皇大妃嶺以侵昌平縣

既至昌平則反顧居庸矣于是居庸亦潰金人遂入居

庸

大金國志 按尼雅滿滿洲語心也舊作粘罕今譯改

原金太祖取燕京博勒和為左翼兵出居庸闕大敗遼

兵遂取居庸蕭妃遁去

金史本傳

補居庸關國名齊喇哈藩

金史按齊喇滿洲語嚴也哈藩官也舊作雪喇合莽今

譯改

原穆呼哩攻居庸關壁堅不得入

元史本傳

原元太祖六年九月拔德興府居庸關守將遁去哲伯
遂入關抵中都八年克宣德府遂攻德興府拔之帝進
至懷來及金行省完顏綱元帥高琪戰敗之遂至北口
金兵保居庸詔奇塔特博恰守之遼烏蘭巴爾等獻北

口哲伯遂取居庸與奇塔特博恰會

元史太祖紀 按哲伯蒙古語梅針

箭也舊作遮別奇塔特蒙古語漢人也博恰身笨也舊作可忒薄利烏蘭巴爾蒙古語紅虎也舊作訛魯不免

今俱譯改

原至元十七年五月辛丑朔命樞密院調兵六百人守

居庸南北口

元史世祖紀

原至大四年樞密院奏居庸關古道四十有三軍吏防

守之處僅十有三舊置千戶位輕責重請置隆鎮萬戶

府俾嚴守備制曰可

元史仁宗紀

原泰定三年五月遣指揮使元都蠻鵠西番咒語於居

庸闕崖石

元史泰定帝紀

原致和元年八月乙未調諸衛兵守居庸闕及盧免嶺

丁未薩敦守居庸闕九月庚申朔雅克特穆爾督師居

庸闕遣薩敦以兵襲上都兵于榆林擊敗之追至懷來

而還

今岔道西二十五里有榆林堡

乙亥上都王禪兵襲破居庸闕將

士皆潰雅克特穆爾軍次三河丙子王禪游兵至大口

雅克特穆爾還軍次榆河

今昌平州南二十五里榆河店

帝出齊化門

視師戊寅雅克特穆爾與王禪前軍戰於榆河敗之追

奔至紅橋北又敗之我師據紅橋

今昌平州西南二十五里紅橋村

辛

巳大戰白浮之野

今昌平州東南八里白浮村

雅克特穆爾手刃七

人於陣敗之癸未王禪收集散亡復來戰我師列陣白

浮之西至夜薩敦托克托穆爾前後夾攻敗走之追及

于昌平北斬首數千級居庸關壘石以為固

元史文宗紀

原至正十九年子規啼於居庸關

瓊臺會稿

原三月辛巳樞密副使多爾濟以賊犯順寧命雅勒呼

由北口出迎敵二十四年三月壬寅圖沁特穆爾兵入
居庸關癸卯知樞密院事伊蘇詹事布呼齊逆戰于皇
后店七月丙戌博囉特穆爾前鋒軍入居庸關皇太子
親率軍禦於清河伊蘇戰於昌平軍士皆無鬪志皇太
子馳還都城元史順帝紀按多爾濟義見前舊作朵
兔只雅勒呼滿洲語大指盆也舊作鴉鶻
布呼齊蒙古語吹海螺人也舊作不蘭奚今俱譯改

原北口千戶所于上都路龍度州東口置司南口千戶
所于大都路昌平縣居庸關置司

元史百
官志

原隆鎮衛睿宗在潛邸嘗于居庸關立南北口屯軍徵
巡盜賊各設千戶所至元二十五年以南北口上千戶
所總領之至大四年改千戶所為萬戶府分欽察唐古
桂齊西域左右阿蘇諸衛軍三千人并南北口大和嶺
舊隘軍六百九十三人屯駐東西四十三處立十千戶
所置隆鎮上萬戶府以統之皇慶元年始改為隆鎮衛
親軍都指揮使司延祐二年又以哈喇婁軍千戶所隸

馬至治元年置蒙古漢軍籍

元史兵志 按桂齊蒙古
語善也 舊作貴赤阿蘇滿

洲 龍 網 也 舊 作 阿 速 哈 喇 婁 蒙 古
語 黑 龍 也 舊 作 哈 克 魯 今 俱 譯 改

原元睿宗過中都山出北口住夏于官山

元史本傳

原劉正分省上都會諸王錫里濟叛至居庸關守者告

前有警急使姑退正曰職當進而弗往後至者益怯矣

馳出關

同上 按錫里濟蒙古語還
拔也舊作昔里吉今譯改

原金人恃居庸之塞冶鐵鑄關門布鐵蒺藜百餘里守

以精銳徹伯爾既還報太祖遂進師距關百里不能前

召徹伯爾問計對曰從此而北黑樹林中有間道騎行

可一人臣向嘗過之若勒兵銜枚以出終夕可至太祖
乃令徹伯爾輕騎前導自暮入谷黎明諸軍已在平地
疾趨南口金鼓之聲若自天下金人猶睡未知也此驚
起已莫能支闕既破中都大震

元史
列傳

補中統二年冬十有一月大駕北狩駐魚兒泊詔平章
檜察公以虎符發兵于燕既集取道居庸合圍於湯山

之東遂飛豹取獸獲焉

秋澗集 按檜察蒙
古語燔木也從原文

補王惲飛豹行 二年幽陵關丘甲詔遣謀臣連夜發
春蒐秋獮是尋常况復軍容從獵法一聲畫鼓肅霜威

千騎平岡捲晴雪長圍漸合湯山東兩翼閃閃牙旗紅
飛鷹走犬漢人事以豹取獸何其雄馬蹄蹴麋敵左興
赤鯨散鏃驚龍騰錦雲一縱飛塵起三軍耳後秋風生
豹雖逸才不自惜兩血風毛推大敵風烟慘惻晚歸來
思君更上單于臺血埋萬甲戰方銳爪牙正藉方剛才
古人以鹿喻天下得失中間係真做元戎茲獵似閑先
我作車攻補

周雅 同上

原金人起遼東顧西拔大同由居庸入遼人起遼左亦
由宣大入于居庸元人起和林於開平甚通亦不由古
北諸路乃南取宣大由紫荆入而南攻居庸破之

全遼
畧記

原靖難兵起燕王曰居庸關路狹而險北平之襟喉也

百人守之萬夫莫窺必據此乃無北顧憂永樂二年置

衛領千戶所五以為京師北面之固

方輿紀要

原宣德三年八月命行在工部侍郎許廓修居庸闕城

及水門

明宣宗
寄錄

原景泰六年六月修居庸闕城畢工命工部造碑翰林

院撰文刻置闕上

明英宗
實錄

原成化七年三月兵科給事中秦崇上言居庸等闕朝

廷之北門東抵山海西抵雁門山勢雖曰斗峻而可通

行之路亦多所司因循怠惰礪木砲石軍器類不具備夫富家亦高築牆垣以防寇盜况國都藩籬而可廢弛乎上勅巡關御史修治

明憲宗實錄

補余瑱為北平衛指揮使與謝貴密謀不遂貴死瑱走保居庸關文皇曰居庸北平之咽喉瑱若據此則拊吾背宜急取之緩則增兵繕守後難圖矣遂專力擊瑱瑱且戰且守援兵不至棄關走懷來力盡被執不屈死

忠節

錄

補正德丁丑秋七月上徵行欲度居庸闕幸上谷雲中
御史張欽極言諫阻疏凡三上至八月朔忽報駕至昌
平即欲過闕是日欽令分守指揮孫璽閉闕南門太監
李嵩欲赴昌平候駕欽止之曰今日之事有死而已可
擅離職守乎俄千戶閻岳至南門傳旨欽捧璽書并監
察御史印至門固守收其扁鑰手自持之誓曰有奪門
者御史當手刃之岳不得入還報上壯其節回鑾獵昌
平而還

名臣應
謹錄

補張欽字敬之通州右衛人官貴州道監察御史奉勅
巡視居庸關時武廟欲出關北狩乘輿已迫關矣欽閉
關三上疏堅請回鑾武廟乃止

分省人
物考

增

聖祖御製出居庸關詩 羣峯倚天半直北峙雄關古
塞煙雲合清時壁壘閒軍鋒趨朔漠馬蹟度重山漸向
邊城路旌旗疊翠間

增乾隆十年

御製經居庸關詩 雁塞返龍旌魚關度鳥道芙蓉紫
霧沉睥睨晚清秋曉重巖虎豹爭萬壑琴筑繞寄踪儼壺
中回首驚雲表樓崖眇堦垣迹資探討天意實難諶
地險安能保

臣等謹按居庸關

御製詩恭載首見之篇餘不備錄

補王瓊張侍御閉關三疏圖記 閉關三疏者正德丁
丑秋七月武宗徵行欲過居庸關遊上谷雲中而監察
御史張君欽閉關不納疏凡三上也其第一疏曰臣聞
明主不惡切直之言以納忠烈士不憚死亡之誅以極

諫臣風聞人言陛下欲過居庸關遊章宣大等處今甘肅有吐魯番之患江右迫畚賊之擾淮南有漕運之難巴蜀有採辦之苦京畿夏麥少收秋潦為陛下危之具第之憂而欲長驅居庸觀兵上谷臣竊為陛下危之具第二疏曰上有卿輔之臣下至耳目之官皆不避諫死苦諫陛下不可出關未蒙俞旨臣愚以為不可出者有三人心動搖供億繁苦一不可也遠涉險阻兩宮掛慮二不可也塞俗強梁輕身挺出往與之角三不可也夫事慎於初則易悔於終則難英宗決于過關竟以北狩由不聽人言也後雖痛悔無及于事臣奉勅巡關分當効死即加斧鉞之誅亦不敢避其第三疏曰八月初一日忽有人報聖駕已到昌平州即欲過關臣聞天子舉動所繫匪小或欲親征必先有詔下廷臣會議某日出師明告中外羣臣危從而後啓行今傳言聖駕過關名義未正虛實難信臣雖萬死不敢放過

張侍御閉關圖記

朱昆田原按侍御本姓李張其母姓也正德辛未
進士由行人擢御史巡視居庸諸關歷官工部右
侍郎卒葬州城南黃泥溝曲周王尚一鶚序三疏
刊行稱其無尺寸之業貽子孫清德尤不易及也

原郝經居庸關銘 居庸關在幽州之北最為深阻號
天下四塞之一大山中斷兩崖峽縈石路盤腸束帶隙罅
南曰南口北曰北口滴漚澱漫常為氷震滑濕濡灑側
輪跣足殆六十里石穴及出北口則左轉上谷之右並
長嶺而西陰煙枯沙遺鏃朽骨悽風慘日自為一天中
原能守則為陽國北門中原失守則為陰國南門故自
漢唐遼金以來嘗宿重兵以謹管鑰中統元年皇帝即
位于開平則駐蹕之南門又將定都于燕都則京師之

北門而屯，辟荒地，恐起後焉，故作銘，昇燕京道宣慰府使，勒石闕上，且表，請置兵以為設險，守國之戒。云銘曰：國宅天都，高寒之區，居庸其樞，分遼右，古北陰幽，沙磧控帶，飛狐兮山連，嶺重，鍵閉深，堆巍巍，帝居兮伊，晉掣鎖，金源敗，破遂為坦途，兮函谷一夫百萬，為魚，竟執哥舒兮，患啓封疆，備不可忘，禍生不虞，兮寇不可玩，機不可緩，實惟永圖，兮天險地險，莫如人險，兵力相須，兮刻銘巖岨，用告僕夫，蒙戒覆車兮。陵川集。

原高適奉使入居庸作。匹馬行將夕，征途去轉難。不知邊地別，祇訝客衣單。溪冷泉聲苦，山空木葉乾。莫言闕塞極，雨雪尚漫漫。高常侍集。

原宇文虛中過居庸闕詩。奔峭從天圻，懸流赴壑清。路迴穿石細，崖裂與藤爭。花已從南發，人今又北行。節旄都落盡，奔走愧平生。中州集。

原蔡珪出居庸作。亂石妨車轂，深沙困馬蹄。天分斗南北，人間日東西。側脚柴荆短，平頭土舍低。山花兩三

樹笑殺武陵溪

同上

原劉迎南口作

危峯張屏幃峻壁開戶牖崩騰來陣

馬翔舞下靈鷲秀色分後前晴嵐迷左右重陰忽障翳
虛籟競呼吼深紆愛風日高亢桐里斗帝居望北闕村

落當南口軍都漢時懸遺跡奄存否中郎讀書處亭構
想權朽誰云用武地經訓乃淵藪我家膠東涓樸學嘆
白首居隣通德里況此見師友慚無書帶草采采為盈
手何以醉先生清溪綠如酒

山林長語

原郝經居庸行 驚風吹沙暮天黃死燭燎日橫天狼
巉巖鐵穴六十里塞口一噴來冰霜尊駢局脊銜尾前
轡車輻輳半側箱彈箏峽道水復凍居庸關頭是羊腸
橫拉恒岱西太行倒捲渤海東扶桑幽都卻在南口南
截斷北陸萬古強當時金源帝中華建瓴形勢臨八方
誰知末年亂紀綱不使崇慶如明昌陰山大起飛螯龍
背負斗極開洪荒且將尺箠定天下匹馬到處皆吾疆
百年一倚老虎走室怒市危還猖狂遽令逆血灑玉殿

六官飲泣無天王清夷門折黑風吼賊臣一夜掣鎖降
北王波裏骨城山官軍城上不敢望更獻監牧四十萬
舉國南渡尤倉皇中原無人不取高歌曳落歸帝鄉
但留一旅時往來不過數歲終滅亡潼關不守國無民
便作龜茲能久長汴梁無用築子城試看昌州三道牆

陵川集

原馬祖常度居庸關詩 飛鞚陟雲巘決皆盡圖畫天
氣吹高寒山雨灑長夏冥冥白鳥去寂寂松子下陸行
石當塗水春泉繞舍高與蜀道齊深乃盤谷亞荀輿約
重來藏馬苦常跨跨朋從詠連疊酬應給閒暇得見王子
喬吾將跨鶴駕 石田集

原陳孚居庸關詩 車稜稜石確確車聲彭彭關石角
馬蹄蹴石石欲落不知何年鬼斧鑿僅與青天通一握
上有籐束萬仞之崖下有泉漱千丈之壑太行羊腸蜀
劍閭身熱頭痛縣度索一夫當關萬夫卻未必有此奇
巖崿吾皇神聖混地絡烽火不紅停夜析但有地險今

猶昨我扶瘦筇立倦脚欲叩往事雲漠漠平沙風起鳴
凍雀 觀光集

原元明善過居庸詩 一山萬里限中原神鑿居庸百
二川峯勢陡回愁障日地形高出欲捫天風沙漠漠龍
庭遠雲物沉沉鳥道穿眼底興亡誰解寫石琴秋水學
冰絃 清河集

原貢奎居庸闕詩 居庸闕高五十里巖立兩崖雄對
峙迴峯作勢遮欲斷百曲盤旋如磨蟻陰風白晝吹颼
颼亂石當溪衆嚙齒道狹纔通車一輛貫尾鈎連行不
止我從北來識此險巫峽饒天差可擬但願平生足遊
覽何用藏書巖穴裏馬鳴闕度日未斜黃鵠遠赴征雲
起安得有酒令我歌如城之愁今已矣 雲林集

原揭傒斯居庸行 昔望居庸南今出居庸北巖巒爭
吞吐風水清且激遙迤數千里曲折殊未息闕門西向
當天開馬如流水車如雷荒雞一鳴闕吏起列宿慘淡
雲徘徊山盤盤石圍圍狀如龍勢如虎龍怒欲騰虎欲

舞太行劍戟猶如許昔不容單車今馬列十五聖人有
道關門開關門開千萬古 秋宜集

原薩都拉至順泰西過居庸關詩 居庸關山蒼蒼關
南暑多關北涼天門曉開虎豹卧石鼓畫擊雲雷張關
門鑄鐵半空倚古來幾度壯士死草根白骨棄不收冷
雨陰風泣山鬼道傍老翁八十餘短衣白髮扶犁路
人立馬問前事猶能歷歷言丘墟夜來鋤豆得戈鐵兩
蝕風吹失顏色鐵腥惟帶土花青猶是將軍戰時血前
年人復鐵作門貌貅萬竄如雲屯生存有功掛玉印死
者誰復招孤魂居庸關何崢嶸上天何不呼大丁驅之
海外休甲兵男耕女織天下平千古萬古無戰爭 薩
天錫詩集

原黃潛居庸關詩 連山東北趨中斷忽如鑿萬古爭
一門天險不可薄聖人大無外善閉非徒輪車行已方
軌關吏徒擊柝居民動成市廬井互聯絡幽龕白雲聚
石磴清泉落地雖臨衝要俗乃近淳朴政煩記桃源不

必銘劍閣僕夫跼謂我無為久淹泊山川豈不好但恐
風雨惡 黃文獻集

原柳貫度居庸關作 居庸朔方塞始入兩崖張行行轉
石角細路縈澗岡層壑倒天影半林涵晨光峙岷里四
十所歷萬羊腸千轅絡前後兩軌通中央谷開稍夷曠
在險獲康莊豈惟遂生聚列厓參鴈行微流或礪礪架
广亦僧坊我生山水窟愛此不能忘是日新雨歇浮嵐
亂沾裳水聲與石闕風飄韻清商踟躕不知高浮雲翼
起驤考牒曩有聞經途今始詳緬惟古塞北八州猶漢
疆控扼識形勢會同知樂康屬茲景運開大服連綏荒
兩京備巡幸離宮炭相望守岳特考制如初匪求祥式
瞻龍德中足徵王業昌請繼王會圖勿廢祈招章 柳

文肅集

原周伯琦入居庸關作 出關復入關五見月上弦草
木雖未霜寒風已淒然崖路何縈紆疊嶂橫中天上有
太古石下有無底泉幽致良足嘉萬雷奈喧闐馴象竇

嚮鳴紫駝錦蒙鮮鐵騎簇雲隊黃屋循星躔時巡謠風俗執法恭後先達官國同體拔舍如升仙細民終歲勞輸轉日憂煎苦樂殊雲泥泥使我中心悵偶經巖谷勝復憶江湖孺愚高望白雲楚天浩無邊王師未休息敢賦歸來篇

近光集

原吳師道居庸闕詩 神京望西北連山鬱崔嵬百里

達闕下兩崖忽中開林扉遞掩映磴道隨紫迴豈知古燕塞祇似越與台風聞彈琴峽澗響逾清哀行行未及遠秋風漲黃埃翠華屈榆林丞相前驅來疾還憚迫險顧略復徘徊惟天設限蔽萬古何雄哉撫迹思往代鉅鎗每自推皇衢坦蕩蕩來往無驚猜隨車正聯絡怒轍奔春雷前趨見行殿遙峙積雪堆騰凌萬馬駢暮繞龍虎臺愚生一何幸獲忝儒臣陪憑高未成賦瑣瑣嗟微才 吳禮部集

原王士熙竹枝詞 居庸山前澗水多白榆林下石坡
葩後來緯度榆杆嶺前車昨日到灤河 宮裝腰裏錦

障泥百輛。毬車一宇。齊夜宿巖前。覓泉水林中。還有子規啼。
皇元風雅

原薛元卿大駕度居庸闕作
居庸雄據萬重山。南北門分作漢關。鼓角動時森虎衛。旌旗行處蹙龍顏。禪宮路轉風烟合。御苑春深草樹閒。待得長楊圓獵罷。又隨車騎此中還。
文翰類選

原釋梵琦居庸闕詩
天畔浮雲雲外峯。北遊奇險見居庸。力排劍戟三千士。門掩山河百二重。渠谷自今收戰馬。兜鈴無復置邊烽。上都避暑頻來往。魚鳥猶能識袞龍。
北遊集

補袁桶居庸闕詩
太行領羣山。萬馬高下拜。平巖轉城隍。隱隱南北界。危坡互交牙。寒澗湧澎湃。陰風湧元蚪。巨石忽崩壞。周遭青松根。下有古木砦。石皮散青銅。云是舊戰鎧。天險不足憑。歷劫有成敗。驅車上林杪。出日浴光怪。肅肅空巖秋。天風迅行邁。
清容居士集
補又次韻王繼學途中竹枝詞
居庸夾山僧屋多鑿

石化作金彌陀但看行車度流水不見舉拂談懸河
同上

補又雨中度南口詩 山寒絕禽鳥獨聞子規啼石壁
飛雨驟衆木搖淒淒瘦馬蹴亂石高下噬其蹄陟嶺沮
泓深漸覺所歷低暝色起亭午土屋流寒泥須臾遇雷
聲倏忽生晴電水清亦可度戒僕踰前路 同上

補又重午日宿南口小店作 寒雨鳴石峽蕭蕭五月
秋道逢采藥人不識葵與榴氣清諧令節暑溽想南州
涼飈木末來動色思重裘猶持一樽酒慰彼湘纍愁
同上

補果囀洛納延居庸闕詩 疊嶂綠青冥峭絕兩崖束
盤盤龍虎踞岑巖互迴伏重闕設天險王氣奠坤軸皇靈
廣覆被四海同軌躅至今豪俠人危眺屢驚蹈峙岨棧
閣峻縈紆岡潤曲環村列墟市鑿翠構廬屋溪春激巖
溜山山雜稊菽絕頂得幽勝人烟稍連屬浮圖靡廣路
臺殿出層麓白雲隱疎鐘落日帶喬木豈須嘆蜀道政

可誇函谷居人遠念我叩馬苦留宿恐辜殷勤情解鞍
看山濕金臺集

補王惲九日迎鑾北口和寅甫學士韻 翠華南下拂
雲霓駐蹕軍都漢苑西龍虎臺高驚峻絕蓬瀛人老許
扶攜九天日月曙光近萬國風烟入望低佳節迎鑾得
清賞牛山初不羨東齊 秋澗集

補又居庸懷古木蘭花慢詞 壯巉巖鐵峽誰設險劈
蒼岑擁萬里風烟一棹橫鎖形勝雄沉口口口口口
憶當年叱馭走駁駁半夜郵亭索酒平明燕市長吟
追思往事不堪尋山色古猶今甚三十年來青雲垂翅
素髮鬢簪投閒却教應聘笑委身從事老難任立遍西
風殘照山光翠滿疎林 同上

補孫緒居庸闕詩 一徑中開萬嶺橫居民無地問農
耕霜頽落葉晚山綠雨溜荒苔秋水清沙鳥遠從天外
度寒蛩也向夜分鳴峯巒徙倚休回首何處孤雲是故
城 沙溪集

補劉秉忠過居庸關詩 車箱來往若流泉絕壁巔崑
倚翠烟限破中州四十里鑿開大路幾千年玉關不謂
平如地蜀道無如險似天萬里揮鞭猶咫尺誰能掌上
保幽燕 藏春詩集

補周伯琦過居庸關二首 崇關天險控幽燕萬疊青
山百道泉絕壁雲霞佛像連屢鷄黍聚人烟炎涼頃
刻成殊候華夏于今共一天我欲登臨窮勝槩西風五
月倍淒然 闕南關北四十里玉壘珠闕限兩京列隊
龍旂明輦路重屯虎衛肅天兵桑麻旆旆村無警榆柳
青青塞有程卻笑燕然空勒石萬方今日盡昇平 近

光集

補朱德潤居庸雪中詩 山前龍虎搆成臺山後神州
斗極開雪意似憐天設險高卑鋪作白皚皚 存復齋集
原李繼本過居庸作 歲暮候風淒淒車中行客胡不
歸一車南一車北南來北去何時息車行欲近關上頭
鞭牛不前吁可愁須臾推挽在平地車中免女歡且謳

徑褐蕭蕭風雪裏山徑荒寒多虎兕呼兕取火供曉炊
瓦鐺黍米和沙煮黃昏露宿官道傍茅店鷄鳴載行李
殷勤起謝車中人萬嶺千山多苦辛嚴風吹雪皮欲裂
一身祇有筋骨存安得筋骨化為山下土填却千山萬

山無險阻長使行人免愁苦

昌平舊志

原胡儼望居庸詞望京都今穹窿雄闊峙今居庸蒼

翠今蒙茸紛苒苒今臨風城巍巍今兩山臨玉塞今高
寒車轉轉今結駟風蕭蕭今木葉成深懸巖今珊珊恍
鳴琴今清彈聞仙人今昔降遺玉枕今不刊皇風暢今
八極見垠火今滅熄歌四海今寧一

胡恭酒集

原王英居庸闕詩千峯高處起層城空裏宮堯積翠

明雲靜芙蓉開霽色天晴鼓角散秋聲北連紫塞烽烟
斷南接金臺驛路平此地由來稱設險萬年形勢壯神

京泉坡集

原鄭珞居庸關徐將軍席上作闕入居庸險城臨北
斗懸龍琴調宴樂虎帳集羣賢興氣來山雨秋聲激峽

泉辭餘望雙闕遙倚五雲邊 訥庵集

原袁忠徹出居庸闕作 居庸之闕何壯哉懸崖峭壁

高崔嵬乃知造化鍾神秀翠削芙蓉天際開是時鑾輿
北巡狩百萬貔貅度闕口旌旗翻風曉日寒千官扈蹕
森前後此闕自昔能推車十步九折羊腸紆登危歷險
足踣躅以手撫膺長嘆吁回首羣峯列其下怪石嶄嵒
如立馬蒼蚪偃蹇走松盤銀漢砾砢飛瀑瀉凜然霜氣
侵骨毛五月堅冰猶未消星辰咫尺疑可摘耳達靈籟
聞嘈嘈漫傳天設分南北四海當今同轍迹草木均霑
雨露恩環護黃圖永無極 袁尚寶集

原張寧居庸感事詩 羽書昨夜報居庸百萬雄師下

九重天子垂衣臨大漠羣臣端笏扈元戎禁中已乏回

天策關外誰成闢地功千古澶淵扶日馭今人常憶寇

萊公 方洲集

原許天錫居庸闕詩 天設居庸險乾坤此北門山川

通上郡形勢冠中原鐵騎連三戍金城迫九關萬方資

阮塞永荷太平恩 許黃門集

原邊貢居庸二首 塞口重關隄素關壑煙嵐雨鎮網

紀雄吞巨海山形斷秀雁中原地脉分鎖鑰還思冠丞

相長城不用李將軍倚窓時送東南目雙闕蓬萊五色

雲 山雲冉冉石垂垂公暇焚香晚對宜窺牖亂峯青

似戟古城孤澗白於絲人家高下綠蹊見風氣寒暄入

塞知憑語把關休偃仰雲中日夜羽書馳 華泉集

原李夢陽詩 天設居庸百二關祁連更隔萬重山不

知誰放呼延入昨日楊河大戰還 空同集

原熊卓居庸館中作 臨地關門擁山樓鼓角傳長風

吹不歇塞草自年年 東溪集

原又出居庸關作 沙上望行人日暮愁心絕江南四

時春邊地五月雪 同上

原王詎登居庸上關詩 盤石仍高處微茫鳥道分花

森春暈日山遠谷吞雲草宿除猶蔓鶯遷去更聞不能

離世事直欲醉朝暉 彭衙集

原李默居庸闕詩 山堂石壑轉嵯岬鐵障後稜勢欲
又細柳半屯三輔甲材官盡出五侯家重城月閉遺聲
點間道林歸獵野譁多少雄圖總湮滅戰場空倚夕陽
斜 羣玉樓稿

原周金居庸闕和元陳剛中韻 亂石懸崖色如鐵西
風吹裳裳欲裂側身北望涕沾襟回首蕭騷成雪鷲
駘伏擬何足道李廣馮唐一時老山空木落不見人惟
有中庭月輪小 上谷稿

原王慎中望居庸闕詩 設險真誇六郡雄天山九塞
有居庸陁連白馬懸邊月塞雁黃花起朔風未有捷書
傳大內尚聞獵火照雲中北平飛將今誰是已見東南
杼軸空 蓮巖集

原李宗樞度居庸闕詩 峻壁含雲迥飛湍接澗迴虛
閣三峽險疑是五丁開荒樹分天宇驚沙暗戍臺祇慚
持節使不是秦繻來 明詩統

原蘇祐過居庸闕詩 北門天險設居庸嫋嫋千旌疊

翠中口轉雙泉猶望闕嶺盤八達已臨戎霜清戍逼黃
花鎮日近雲浮紫極宮聖代車書真混一寄言諸將漫

論功 教原集

原劉侃居庸晚眺詩

別館宮荒一注顏天空木葉繞

重闕千峯嵐氣青霄上九折泉聲翠壁間瀚海旌旗無
日罷玉門車馬幾人還皇州咫尺浮雲隔明發崢嶸何

處攀 新陽館集

原應雲鷺入居庸詩

百二真天府乾坤別一家雙泉

紫鳳闕疊翠枕龍沙戍鼓遙空出人烟兩岸斜請纓誰

氏子搔首惜年華 明詩統

原徐渭居庸闕詩

少年曾負請纓雄轉眼青袍萬事

空今日獨餘霜鬢在一肩與坐度居庸 徐文長集

原公爾居庸闕詩

太行來萬里天險冷陁西銀海圓

了劍金城列鼓鼙近闕烟火盛絕幕塞塵低想像犁庭

日憂時意轉迷 問次齋稿

原馮琦詩 五年不出居庸道今日重來感舊遊紫氣

遙瞻龍虎地青山近接鳳凰樓平臨星斗三千丈下瞰
燕雲十六州但使此關長鎮靜不煩仗策取封侯北

海集

原陳子龍詩

險到居庸地脈分何須長戍羽林軍闕

門夜抱千峯月陵墓春生五色雲
補皇甫汭居庸闕詩
絢真館稿

翠重十月邊陲塵不起萬年
山城落日照居庸抗嶺迴雲紫

陵寂霧常封
皇甫司勳集

臣

等謹按以上各條專叙居庸闕

原居庸路東自門家谷口西至糜子谷口延袤一百五
十里南至關北至永寧城隘口二十灰嶺下隘口十門
家谷口灰嶺口賢莊口錐石口雁門口德勝口虎谷口

雙泉口養馬谷西山口

俱嘉靖十五年建

邊城二十六里附牆

臺七座八達嶺下隘口七石佛寺口青龍橋東口王瓜

谷

俱永樂年

八達嶺口

弘治年

黑豆谷化木梁于家衝

俱永樂年

建邊城二十四里半附牆臺四座空心敵臺四十三座

石峽谷下隘口三花家窰石峽谷口糜子谷口

俱永樂年

邊城一十六里附牆臺十座空心敵臺二十五座

四鎮三關

志

原由棗園砦至居庸路界分水嶺三里門家谷口山勢

重疊然通白龍潭路來騎極衝又三里至灰嶺口內外
寬漫極衝又三里至賢莊口本口路隘通永寧南山塔
兒來騎次衝又七里至錐石口兩山險峻林木稠密中
有河外通塔兒谷衝又五里至雁門口外險內平又五
里至德勝口山勢高險中有大河外通大小紅山衝又
九里至虎谷口外險內平不通騎緩又五里至養馬谷
在南口門緩川草花頂山勢內外高險人馬難行三里
至石佛寺口正口兩山壁立中通溝路難行又三里至

青龍橋東口山勢內平外險又三里至黃瓜谷口亦內
平外險又三里至八達嶺內外平漫為宣大咽喉極衝
又三里至黑豆谷內外平漫威靖墩至衝谷墩通衆騎
餘通騎衝又三里至化木梁內險外平人馬可行又二
里至于家衝正城迤東一空通單騎迤西青石頂墩通
于家溝俱通衆騎衝餘通步緩青石頂山勢外平內險
三里至花家窩內外高險龍芽菜溝通單騎城東頭至
西頭水口平漫通衆騎極衝又三里至石峽口城東至

石崖子口又西山墩至鎮魯墩俱通單騎衝又三里至
康子谷正開水口并鎮西墩至南山墩通陳家墳俱平

漫通衆騎極衝餘通步緩

三鎮邊
務總要

原經畧邊關右副都御史李瓚以居庸關西路灰嶺口
上常峪地方外接懷來所轄隘口計一十二處經敵出
沒請添設城堡以控險要乃築灰嶺口城六百八十丈
有奇上常峪城減十之五各立樓櫓鋪舍于正德十六
年五月訖工議名灰嶺口曰鎮邊城上常峪曰常峪城

調別堡軍士屯守灰嶺口千人上常峪三百人改設守

禦千戶所及倉場官吏兵部覆奏從之

明世宗實錄

原邊貢入錐石口四首 濯足秋澗水水寒清見沙凌
執不可渡碎石如狼牙童子欣暮晴笑指東風霞 穿
林復渡河佳興未能盡每當路窮處更著祠官引山女
何處來石上洗秋茵 西登錐石口鳥道不盈尺連山
樹如緇雲中日將夕不聞樵采音但見虎行跡 睥眈
樓崇嶺白處生浮嵐上有百尺崖下有千尺潭爾非蒼
龍子那敢窮幽

探 華泉集

原上關七里至彈琴峽上有佛閣又七里為青龍橋道
東有小堡又三里至八達嶺有城南北二門元人所謂

北口也以守備一人守之自八達嶺下視居庸若建瓴若闕井故昔人謂居庸之險不在關城而在八達嶺而岔道又八達嶺之藩籬元人于北口設兵洵得地形之

便者

昌平山水記

原八達嶺城一座弘治十八年建

四鎮三關志

原昌鎮疆宇幅員不踰五百里而居庸關突據其中蓋未有郡邑之先已設險于外戶矣然八達嶺去關北三十里埔埴漸崇驅馬而南勢若建瓴故先年經畧大臣創

城置守于此誠得扼險之要樞哉

同上

原劉迎遇八達嶺詩

山險路已出彌望盡荒坡風度

日已殊氣象惟沙陀我老倦行役驅車此經過時節春

已夏土寒地無禾行路不肯

留奈此居人何山林長話

原居庸關有彈琴峽水流石罅聲若調琴

新山掌錄

增

聖祖御製彈琴峽詩

琮琤流水意彷彿似鳴琴曲度

泉歸壑聲兼峽泛吟空山傳逸響終古奏清音不御金

嶽久泠泠會素心

增乾隆十年

御製彈琴峽詩

在昌平州北居庸關水
流石聲若調琴故名

大地作琴聲

迦葉亦如是

叶

何待柴桑翁掛壁始寓意此峽曰調琴

誰與標名字巖谷曩而幽石泉清且泌野菊小於錢十
三星點綴動掾四山響萬籟紛丹翠鍾明未賞識成連
應走避一洗箏琶耳妙契烟霞思

臣等謹按彈琴峽

御製詩恭載首見之篇餘不備錄

原吳撫過彈琴峽詩 懸崖峭壁磴千盤峽裏天光一
綫看繞澗琴聲聽不盡月明流水曲中彈 貞素堂集
補表撫彈琴峽詩 寒泉飛玉峽誰彈使成聲下有戰
士骨鳴咽水中鳴絲石本異調庠夏生虧成鑿跡匪神
禹佳兵構秦羸駐馬為聽之逝者何不平虛眺納新雨
急促濁復清重華初有方百神靜相迎為作薰風絲散
彼巖下情

清容居士集

原居庸關內道旁一大石其形似枕俗呼仙人枕

長安客話

補居庸南口關夾澗而城左右可三四十步行十五里
峯回路轉其城翼然而立者實為居庸地勢較廣而險
倍之又十里則居庸北關再上二十五里至八達嶺蓋

由南口至是凡五十里巖巒複合兩崖如削足下石如馬如象軌不可方轡不可合而八達嶺之城既險且堅北至驢兔坨抄陵寢而接灰嶺口南至靖邊城歷沿河諸口而接紫荊所謂一夫當關萬夫莫前者也

傾宣
鎮記

補居庸重鎮時平為上谷之襟喉事亟真北門之鎖鑰不惟雄臨朔漠亦且險類崑崙函關西各隘自晏磨峪口起至紫荊關沿河口止共二十七處俱係山前隘口自火山口起至合河口止相兼懷來各隘共九處俱係山

後隘口前後相距遠近不同或七八十里或四五十里
山川錯雜路徑紆迴向以林密地險敵不得騁近年樵
采林木漸疎往來無所阻矣

東田集

補居庸關外抵宣府驛遞官皆百戶為之以其地無府

州縣故也

菽園雜記

補自北口小店踰灰嶺試桃花峪溫湯山間殊有奇觀
石為盤渦如碧玉盆者非一壽藤灌木交蔭左右其水

泉蓋潞河之上源也

中堂事紀

臣等謹按以上各條皆叙居庸路

原橫嶺路東自軟棗頂西至挂枝庵延袤一百三十里

南至居庸關北至懷來城隘口三十有九白羊口下隘

口八軟棗頂

永樂年

石板衝牛臘溝

俱嘉靖二十三年

西山安

永樂

年建桑木頂

嘉靖二十年

東黃鹿院秋樹窪西黃鹿院

俱嘉靖四

十四年建邊城

一十一里附牆臺三座空心敵臺一十九座

長谷城下隘口七茶芽坨沙免嶺窟窿山鏡免谷分水

嶺銀洞梁

俱永樂年

轎子頂

嘉靖二十五年

邊城一十五里附

牆臺一座空心敵臺二十三座橫嶺下隘口一十四黃

石崖東凉水泉西凉水泉火石嶺寺免梁東核桃衝西

核桃衝大石溝陡嶺口鶯窩坨小山口姜家梁倒翻衝

廟免梁邊城三十一里附牆臺三座空心敵臺二十八

座鎮邊城下隘口十柳樹窪

永樂
年

建黑衝谷車頭溝尖山

頂北唐免庵南唐免庵水門松樹頂秋樹窪

俱嘉靖三
十年建

挂枝庵

嘉靖三十
八年建

邊城二十一里附牆臺五座空心敵

臺三十二座

四鎮三
關志

原由糜子谷口六里至軟棗頂正關東北山勢險峻止
通單騎口外平溝內薄梁極衝又三里至牛臘溝內外
山峻牽馬可上又二里至桑木頂外梁平內山險可通
單騎又一里至黃鹿院山梁高險牽馬可上又四里至
茶芽坨西界內外山峻牽馬可上又二里至沙免嶺可
通人馬次衝又二里半至窟窿山正關外平溝有山梁
可通大舉又二里至鏡兒谷山峻牽馬可上又二里至
分水嶺內外平漫可通大舉極衝又六里至銀洞梁內

險外平次衝又二里至轎子項西黃石崖通單騎衝又
一里半至東涼水泉山梁平漫通騎次衝又一里至西
涼水泉山薄梁平可行人馬極衝又一里半至火石嶺
門外溝平濶通大舉極衝又二里至寺免梁山稍峻通
單騎又一里至東核桃衝山梁可通步騎次衝又一里
至西核桃衝山勢平漫通騎次衝又二里至大石溝水
口內平外漫通大舉極衝又一里半至陡嶺口外險內
漫通步又二里至鶯窩坨外懸崖內山高峻緩又一里

半至小山口山險牽馬可上又二里至姜家梁山險通
單騎次衝又二里至倒翻衝有水口內外平漫通大舉
極衝又五里至廟兒梁西柳樹窪界內外平漫極衝又
六里至黑衝谷平漫通騎極衝又三里至車頭溝外平
內險通單騎次衝又二里至北唐兒庵有水口內外平
漫可通大舉又二里至南唐兒庵外險內平牽馬可行
又四里至松樹頂山險僅通步緩又四里至挂枝庵迤
西係邊尾俱重山疊障不通步騎

三鎮邊
務總要

原白羊口距州西四十里距居庸南口二十里有水伏
流元史白羊口千戶所於昌平縣東口置司景泰元年
調涿鹿中衛後千戶所官軍守禦後以守備一人守之
其西南有小城曰白羊新城

昌平山
水記

原白羊口堡一座景泰元年建城有白羊口倉

四鎮三
關志

原橫嶺之東有口曰白羊其直南則沿河口外通懷來
城其直西則馬水口北通舊保安烟麓陀庵是馬水口

勝處

長安
客話

原白羊城正統元年額森由此入侵弘治十一年和碩
自大同深入分遣大臣守居庸白羊諸關陞正德十一
年敵入白羊口嘉靖二十九年敵侵京師欲奪白羊口
北出不果蓋南北衝要處也

方輿
紀要

原白羊北四十里為長谷城二門其西有小城曰長谷

新城

昌平山
水記

原長谷城一座正德十五年建

四鎮三
關志

原嘉靖二年正月詔募兵三百人守居庸關長谷城從

御史李儼請也

明世宗實錄

原長谷北二十里為橫嶺城二門守備一人守之

昌平山水

記

原橫嶺城一座弘治十八年建城有橫嶺倉

四鎮三關志

原橫嶺城與長谷城逼近然橫嶺猶孤懸外界山高泉

涸軍士苦之

長安客話

原橫嶺口亦名龍嶺口守禦要地也嘉靖中諳達自古

北口入侵從橫嶺逸出

方輿紀要

原曹代蕭苻軍馳戰壘巖前馬僧持招提嶺上鐘
白水清泉三百尺皂旗赤羽四十重長安客話

原長谷西北二十里為鎮邊城三門正德中建設守禦

千戶所後以叅將一人守之

昌平山水記

原城有鎮邊倉

四鎮三關志

原鎮邊城居人僅可百數地寒不能種穀五畜勞羸不

甘兵雜其間狡猾難治西十里有墩曰唐耳背據太山

下視懷來足為天險

薊丘集

臣等謹按以上各條皆叙橫嶺路

原京城口九十里昌平州東北九十里黃花鎮自鎮歷
白馬陳家弔馬等峪關口四十八而古北口又一十四
關口至峨嵋塞中歷黃松峪將軍石凡五口而薊州東
岸峪自關以東歷寬峪等關凡十口而遵化縣之馬蘭
峪乃歷沙皮羅文松青龍井免潘家口團亭寨關口三
十一而喜峯口又七十里而遷安縣之青山口又十二
口而冷口又三口而劉家口又四口而盧龍縣之桃林
口又四口而昌黎縣之界嶺箭桿等六口而撫寧縣之

義院口又石門等五口而董家口歷大毛山小青山等

十四而山海關

圖書編

臣等謹按此條總叙薊昌各路關砦

欽定日下舊聞考卷一百五十四

欽定日下舊聞考卷一百五十四舉正

飛狐原書飛訛作捥今改

郝經居庸關銘

鳳闕原書闕訛作關今改

應雲鵲入居庸詩

欽定日下舊聞考卷一百五十四舉正

欽定日下舊聞考卷一百五十四原書邊障門節刪附記

蕭磁大喜峰口關城興造記節十五字

嘉靖三十二年經畧侍郎條節二十五字

韓琦虎北口詩刪

彭汝礪過虎北口詩刪

幽州西北居庸關條節十字

劉定之居庸關銘刪

周旋居庸關銘刪

居庸關北五里勅建永明寶相寺條刪

欽定曰下舊聞考卷一百五十四原書邊障門節刪

欽定四庫全書

欽定日下舊聞考卷一百五十五

存疑一

臣等謹按朱彝尊原書於城市門之末附存疑一卷凡舊蹟所傳或存其名而莫指其地或紀其事而他無可徵者皆別為編出以俟考今按卷中如元楊惟中之建太極書院其地在今內城南應移入內城南城卷內又庶希憲之萬柳堂栗氏之玩

芳亭其地在今郊南應移入郊南卷此外各條則概仍其舊其散見諸書有足資互證者謹為增輯于後

原舜廟頌唐韋稔撰顏頤正書并篆額貞元十二年閏

八月

金石錄

臣等謹案析津志亦稱燕京金故宮西有舜廟第其遺趾所在不可復辨矣

原唐復舜廟頌在幽州

寶刻叢編

原幽州有虞舜廟久湮至唐貞元間始復

金石古文

原廟據金故苑西北隅兵後廢不治獨唐貞元間顏魯

公子顏書幽州節度使韋稔重修廟碑尚存書畫端莊

殊有父風

秋澗集

原虞帝廟顏書元時尚在見王惲文集有大都復虞帝
廟碑記謂此碑人屢欲易去礱以他用主者心惴恍若
有倣動乃已後有道士陳志元起長春別院復購之約
不犯原刺止用石背及來徙碑跌圯矣而身挺植重不

克舉道士惕息不敢徙仍安原處其著異如此

春明夢餘錄

原鐵牛廟在舊燕城東南有土埋鐵牛露脊不知起于

何時

元混一方輿勝覽

臣等謹案析津志鐵牛大力神廟在南城施仁門

內東南有小廟無碑又坊市條下有鐵牛坊注云

有鐵牛廟因其廟而名其坊市人亦祀之施仁門

乃金之東門元時門內鐵牛廟及坊尚存明圖經

志書不載則明初已廢矣

原碑趙含撰并書開元十八年正月立

金石錄

原唐故幽州都督河北節度使燕國文貞張公說遺愛
頌孫述撰其畧曰渤海之北有山戎焉乍臣乍驕或息
或縱鎮之以大府府有都督威之以大軍軍有節度二
者之任萬邦之屏公受命處此聲振殊俗於是塹山澤
起亭障塞雞鳴之阨守阜陵之衝遮大廈之路距虛龍
之口延袤千里橫絕一方修塞之後人到於今賴焉辨
其譜系范陽之大族也叙其封畧燕國之名都也徵其
政理幽州之良牧也薊縣父老感之所至久而益思遠
慙不才追書威德辭曰聖出賢覩為師為輔大周宗文
殊方畏武帝謂幽朔人思鎮撫受命載瞻聿來茲土謀
猷既壯闕漏咸補守周邦寧財豐人聚四牡既駕三邊
無侮何以予之元衮及黼范陽宗邑燕垂守宇德被塞
翁恩深召父殊彼遺愛傳于終古
貞石不騫薊邱之下 文苑英華

臣等謹案張說遺愛頌碑今無考

原金國子學碑二在舊燕城南上刻春秋禮記文今磨

滅不完

明一統志

臣等謹案金時石經文碑據明圖經志書在白紙坊是此碑明時尚存今已佚

原元王惲修理大都南京石經事狀云竊見大都南京廟學所有九經石刻刊琢極精近年以來舊制既廢舉皆散亂于荒煙草棘間日就摧圯甚可惋惜且經之遺

制自漢唐至今歷代聖王無不尊崇修理蓋重夫經世
大法故也今海宇混一方息馬論道之時據上項石經
理合修立以彰國容按九經石刻舊在汴梁學宮金人
移置于燕今不復存矣

春明夢
餘錄

增石經文碑碑在舊南城白紙坊乃金舊國子學殿堂
門廡皆燬惟餘石碑二通上刻春秋經傳及禮記文多
磨滅不完

國經
志書

臣等謹案金國子學圖經志書稱在白紙坊則其

朝瀝酒于北極祠下祈天為約

宋史本傳

朱彛尊原按幽州舊有醫無閭祠北極祠又有舜廟及燕四賢祠樂毅劉靖霍原均有專祠多山川神祇聖賢之祀其後寔廢而莫之舉矣

原武成王立廟于樞密院公堂之西以孫武張良管仲樂毅諸葛亮以下十人從祀每歲春秋仲月上戊樞密

院遣官行禮

元史祭祀志

臣等謹按武成王廟祀齊太公唐書禮樂志開元

者

增杜康廟在北城光祿寺內居西偏內有天師宮奉禮
部標撥道士一人在內提點看經專一焚修香火蓋為
醞造御酒每日於上位玉押槽內支酒一瓶以供杜康
提點者自行收貯

析津志

臣等謹按元至元間建崇真萬壽宮以處道流張
留孫俗名天師菴亦曰天師宮明圖經志書云在
蓬萊坊相傳今顯佑宮及步軍統領衙門即其地

此條所稱光祿寺內之杜康廟天師宮以析津志所載北城道里計之一云樞密院西為玉山館玉山館西北為蓬萊坊天師宮又云樞密院南轉西為宣徽院院南轉西為光祿寺酒坊橋其方位似亦有相證合者謹附識以備考

原幽燕思先驛後有五樹檜忽生藥丸試摘服之徃徃

療疾有驗

紀幽
異燕

臣等謹按思先驛並五檜已久廢無考

原大悲閣榜虞世南所書

金臺集

臣等謹按析津志云聖恩寺即大悲閣在南城舊市之中建自唐至遼開泰重修聖宗遇雨飛駕來臨改寺聖恩而閣隸焉金皇統九載即其地而新之元至元壬午春重修中奉大夫總判翰林國史集賢院領會同館道教事安藏謨記二十四年月立石寺外閣祠大悲觀音菩薩據此則大悲閣元時尚存也今無可考

原遼太祖援石晉自潞州迴入幽州幸大悲閣指白衣
觀音像曰我夢神人令送石郎為中國帝即此也因移

木葉山建興王寺春秋告賽尊為家神

史述

原金大安二年十一月大悲閣幡竿下石隙中火出高二三尺人近之即滅凡十餘日自是都城連夜燔爇二十處三月大悲閣災延燒萬餘家火五日不絕金史五竹志

原元至正十八年京師大疫宜者朴布哈於大悲寺修水陸大會三晝夜凡居民病者予之藥不能喪者給之棺翰林學士承旨張翥為文頌其事曰善惠之碑

補張甫者本金元帥封高陽公金亡河北甫據雄霸元將里齋努屢欲滅甫以取雄霸驍將鄂羅呼者歸南甫

納之其後鄂羅呼適去且竊甫千里馬以獻里齊努里
齊努喜待適並厚嘗會飲燕京之大悲悶鄂羅呼醉里
齊努而推使投閣幾斃馬鄂羅呼乃佯醉下樓復乘所
獻馬以歸甫追者莫及人始服甫之用問焉宋史

按里齊努舊作俚若奴今對音譯改鄂羅
呼蒙古語進也舊作窩羅虎今俱譯改

原果羅洛納延大悲閣詩閣道連天起丹青飾井幹
如何千手眼共著一衣冠金榜交龍狹珮夢吻獸攢憑

高天萬里白苧不
勝寒金臺集

原唐處士富麟翁從縣令芮通源游蘭居寺通源給以

綠牝鞍幽燕紀異

臣等謹按蘭居寺係唐刹久廢

原開泰寺魏王耶律漢寧造

王文正
上遼事

臣等謹按開泰寺始建於遼金元以來屢加修治見元統志至明遂廢天順時統志已不載

原開泰八年十二月幸開泰寺宴飲

遼史游幸表

原重熙二十三年冬十月以開泰寺鑄銀佛像曲赦在

京囚

本遼
紀史

補燕舊有開泰寺王沂公謂是遼魏王漢寧所建元王
惲秋澗集中載重修開泰寺功德疏亦曰迺眷燕山昔

為遼府開泰禪寺者爰因鄴第建自樞臣然遼火宗室
初無魏王漢寧傳也

鴻雪錄

增大開泰寺在昊天寺之西北寺之故基遼統軍鄴王
宅也始於樞密使魏王所置賜名聖壽作十方大道聖
宗開泰六年改名開泰殿宇樓觀雄壯冠於全燕至金
國又增之厥後毀於兵獨存大殿壬子春海雲諸大老
請雲山珍公開堂演法遂為此寺之五代祖憲宗彌加

崇重賜以金帛

元一
統志

補永祐陵諱聞洪皓北鄉泣血旦夕臨後遇諱日即燕山開泰寺為文以薦其畧曰故宮為禾黍改館徒饋于秦半新廟浴水冠招魂但歌于楚此雖置河東之賦莫止江南之哀遺民失望而痛心孤臣父繫而嘔血又云或德之祀傳百世以無窮在天之靈總三后而不朽故臣讀之無不掩涕洪忠宣行狀

補遼主鴻基以白金數百兩鑄兩佛像銘其背曰願後世生中國萬山集

朱昆田原按遼於開泰寺鑄銀佛像在重熙二十三年當即晁以道集中所云也

臣等謹案開泰寺鑄銀佛像今無考

補王惲同長老金燈義方暨馮君用聶文超劉敬臣王仲通馬才卿石壽之座主賈君叔良會飲開泰大室詩

彤殿秋煙老檣蒼春風合座捲吟觴爭傾底裏心能
見不恡歌呼興更長風調總輪韋曲杜新詩驚絕碧雲
湯人生無似新知樂安得
車輪一夜方
秋澗集

原聖宗統和六年三月幸延洪寺

遼史游幸未

朱彛尊原案延洪開泰二寺元混一方輿勝覽中
猶載之至明修一統志及寰宇通志無有寺未必
盡廢也大約易其名故迹遂不可考矣

臣等謹按析津志云延洪寺在崇智門內有閣起
自中唐至本朝那摩國師重修之寺西別有洞房

尤為深邃按崇智乃金之北門寺在崇智門內則地當金之北城矣今無可考

增延洪禪寺在舊城寺有唐故幽州延洪寺禪伯遵公遺行碑守薊州錄事叅軍攝幽州安次令試大理評事閻棻撰又按重修記寺在遼乾統間稱為甲刹至元朝統御之初金人南奔兵燼之餘此寺殿閣巋然獨存壬子歲賜白金為香資至元二十五年中元日住持僧戒

海立石紀其事

國經志書

增闢棧幽州延洪寺禪伯遵公遺行碑畧咸通初禪師自襄陽來延洪開廢殿而創尊容闢虛堂而興法席貞元中故相國彭城郡王劉公請凝寂大師弘法之初地也時號其所為天城院大中末故忠烈清河張公又奏置為延洪寺中和四年倒廢光啟三年興復乾寧三年四月建碑同上

原重熙十一年十二月以宣獻皇后忌日上與皇太后

素服飯僧於三學寺

遼史

臣等謹按三學寺後改曰圓明寺查明統志內已

無此刹

原三學寺改名圓明請予為功德主因作疏曰粵三學

之巨刹冠四海之名藍今改僧而舍尼遂從禪而革律

邀印公為粥飯頭請湛然作功德主

湛然居士集

增圓明寺舊都三學寺也在康樂坊肇始於遼金未及百年而荒廢後復興建革律為禪改今名至元二十年十月望資德大夫領大都留守司大興府都總管行工

部尚書知少府監段貞立石

圖經
志書

原張翥游城南三學寺詩
南城多佛剎結構自遼金
旁舍遺民在殘碑好事尋
而苔塵壁暗風葉石幢深

飯蒲團了蕭蕭鐘
磬音蛻庵集

原少帝自金天眷五年十月至燕京居安普寺前後三
四年天眷十年金主令帝出寺賜宅燕京之北其實有
人監守之十二年九月燕京大火旬日不息焚死者千
人金主勒兵出城北門避之於寶蓋寺去帝居所止數
十步

竊憤
續錄

原少帝到燕京居安普寺後徙居城東玉田觀

南爐
紀聞

朱彛尊原案竊憤錄南爐紀聞皆偽書也其紀欽
宗留燕事蹟與北狩行錄燕雲錄不同蓋未足深

信者

臣等謹按宋金二史皆載宋二帝以金太宗天會五年四月至燕若天眷乃金熙宗年號在天會之後十年且天眷三年後即改稱皇統並無五年竊憤續錄謂少帝自金天眷五年十月至燕謬舛滋甚並徵其書之不足信也

原金承安間勅選僧祖朗為香林禪寺開山提點

湛然居士集

臣等謹按香林禪寺今無考

原崇壽禪院者燕京大聖安寺圓通國師退老之舊居也圓通大師祖朗示寂於此先七日作頌萬松老人贊曰訥于言而敏于行璞其貌而玉其心寒蟬將蛻尚嫋餘音其弟子瘞骨于國師靈塔之左去京城之南可二

里許

湛然居士集

臣等謹按崇壽禪院今無考大聖安寺據析津志云在舊城金皇統初賜名大延聖寺大定三年新堂成崇五仞廣十筵輪奐之美為郡城冠七年詔改

寺之額為大聖安殆金元以來名刹也至明遂廢

原秘書省今在燕弘法寺

金國文
具錄

臣等謹按析津志弘法寺在舊城金大定十八年
潞州崔進之女法珍印經一藏進於朝命聖安寺
設壇為法珍受戒為比丘尼二十三年賜紫衣弘
教大師明昌四年立碑石秘書丞兼翰林修撰趙
渢記翰林侍講學士党懷英篆額蓋此刹元時尚
存廢于明代

原至元二十一年九月以江南總攝嘉木揚喇勒智發

宋陵冢所收金銀寶器修天衣寺

元史世祖紀按嘉木揚唐古特語文殊

菩薩也喇勒智智慧劍也舊作楊璉真加今譯改

臣等謹按天衣寺久廢無考

原至治元年三月寶集寺金書西番般若經成

元史武宗紀

臣等謹按析津志云寺建於唐大概見於宗原堂

記其詞曰宗原堂者大寶集寺之丈室也佛殿前

石幢刻曰大唐幽州寶集寺唐碑亦有寶集之名

寺創于唐世可考見矣遼統和間沙門彥珪彥瓊
宗景重熙間慧鑑金天會時思愿智徧大定間重
暉承安間志元皆統領教門元時一傳為行秀再
傳為圓明知棟至正三年儀公被詔主寺嘗承詔
校金書藏典為譔續釋氏通鑑進諸嘉禧殿上嘉
歎之據此則茲寺自唐至遼金元皆為巨刹明初
遂廢

原張翥宿寶集寺詩來借禪房宿悠然空客心殘僧
幾人在古殿一燈深簷鐸能番語齋居發海音重陽看

已近聊復此登
臨 蛻菴集

原大德五年二月賜興教寺地百頃

元史成宗紀

臣等謹按元大都圖冊云興教寺在順承門內街西佛會甲於京師明統志不載此寺殆久廢矣

原皇慶五年十月建帝師帕克斯巴殿于大興教寺六年三月賜大興教寺僧齋食鈔二萬錠

元史仁宗紀

原帕克斯巴帝師法號曰皇天之下一人之上開教宣文輔治大聖至德普覺真知佑國如意大寶法王西天佛子大元帝師班迪達帕克斯巴巴克什

輟耕錄

原至治二年十月建太祖神御殿於興教寺

元史英宗紀

原特門德爾取興教寺後墻園地三十畝

元史本傳按特門德爾

即特穆爾蒙古語鐵也舊作鐵木迭兒今譯改

增興教寺在阜財坊

圖經志書

原皇慶六年六月賜大乾元寺鈔萬錠俾營子錢供繕

修之費

元史仁宗紀

朱彛尊原按上都亦有大乾元寺

臣等謹按大乾元寺及後條所稱五方佛銅像俱

無考

原泰定二年七月修大乾元寺三年七月幸大乾元寺

勅鑄五方佛銅像

元史泰定帝紀

原延祐三年以起建新寺始置營繕提點所天歷三年

改永福營繕司

元史百官志

臣等謹按析津志永福寺有青琉璃塔未詳其處

原延祐五年十一月勅大永福寺創殿七年二月罷造

永福寺戊午建御容殿於永福寺至治元年二月大永

共惜之恐茲後藉為口實妄興工役邀福利以逞私欲
惟陛下察之帝嘉納焉

同上

臣等謹按大宣文弘教寺今

靜宜園之萬安山法海法華二寺相傳即其遺址詳郊
坳西十五卷天壽萬寧寺在今鼓樓東偏詳內城
北城卷中承華普慶寺即寶禪寺在今寶禪寺衙
衙詳內城西城卷中崇恩福元寺據元人輿地要
覽有大德十一年碑學士歐陽元撰今莫詳其處

原國史院進先朝實錄儀中書命左三部太常寺少府

監於興禪寺置局

元史禮樂志

臣等謹按析津志興禪寺在燕聖安寺之東憫忠閣之西今莫詳其舊址

增興禪寺舊刹一行禪師建後廢辛丑冬再興建一紀復完賜額曰萬安禪寺癸丑火是年三月重建大殿方丈客位僧舍中統三年六月立傳法正宗之殿提舉學

校王萬慶撰書題額

圖經志書

原至治元年十二月車駕幸西僧灌頂寺

元史英宗紀

臣等謹按灌頂寺今無考

原後至元三年以雅克特穆爾居第賜灌頂國師納木

喀桑結號大覺海寺塑千佛于其內

元史順帝紀納木喀唐古特語按

天也桑結佛也舊作曩哥星吉今俱譯改

原至正元年正月命永明寺寫金字經一藏

同上

臣等謹按永明寺今無考

原皇帝在春宮時嘗幸勝因寺棟宇華潔像設嚴穆顧

昭文館大學士頭陀教宗師溥光而美之溥光對曰都民姚長者之力也因歷道長者平生勝因之勑也致幣

五萬餘緡大藏經一藏

雪樓集

臣等謹按析津志載元翰林學士閻復勝因寺碑述僧溥光事頗詳今節錄于後寺在明時已廢

增元閻復勝因寺碑畧大頭陀教勝因寺圓通元悟大禪師溥光所造也始祖曰紙衣和尚十有一傳而至溥光大禪師至元辛巳賜大禪師之號為頭陀教宗師請于有司得地八畝規建精藍前儀真三務使姚仲寶明急尚義實為檀施首燕人高翔亞之自餘不祈而薦貨不命而獻力者非一師姓李氏字元暉雲中人自號

雪菴

析津志

原度宗全皇后宋亡從瀛國公入燕京後為尼正智寺

而終

宋史后妃傳

臣等謹按正智寺今無考

原元初京師禪學分萬松延洪二門比丘尼智公叅萬松者也耶律楚材因請其開堂住報先寺

析津日記

臣等謹按報先寺有遼偈見析津志明統志不載

寺與偈殆久毀矣

增報先寺有遼聖文神武全功大略聰仁睿孝天祐皇

帝御書華嚴經覺林菩薩偈

析津志

朱彛尊原按元混一方輿勝覽所載尚有崇聖崇

仁資福薦福濟衆崇孝洪法奉聖法寶諸寺

增崇聖寺在咸寧坊至元五年建

析津志

增崇仁寺在舊城玉田坊

元一統志

增資福寺在舊城金大定辛卯三月僧法成建

圖經志書

增薦福寺在舊城歸厚坊建於遼後以兵革廢元朝辛

亥歲謙公長老興修戊午落成已未立碑

同上

增崇孝寺遼乾統二年沙門了銖作碑銘謂析津府都
總管之公署左有佛寺厥號崇孝按幽州土地記則有
唐初年置里俗相沿則謂德宗貞元五年幽帥彭城大
師劉公濟捨宅為寺傳說各異以前殿梁板及後殿左
幢文考之則劉莊武公濟貞元五年捨宅作寺為是

元一

志

增法寶寺在舊城遼統和二十二載秘書省校書郎仇

正已撰幢記杜永祚舍地基建寺

同上

臣等謹按崇聖崇仁資福薦福崇孝法寶六寺皆朱彛尊原按所引者今據析津志元一統志及圖經志書所載增錄亦祇僅存其名餘皆無考

原祝參政顥初為給事中奉旨查在京寺觀無賜額者有青龍寺極闊麗僧言巨璫奉密旨所建顥不聽立請

毀之

西園間見錄

補元方輿勝覽大興府載佛寺三十八區中有海雲寺

元時寺有千葉杏二株名芙蓉杏傳巖起在京師築清晏堂以此花置餅中錢唐張叔夏見之稱其奇麗可觀江南所無巖起索叔夏賦之叔夏為填三姝媚詞今失其處故老蔑有知之者矣

人海記

臣等謹按海雲寺據元一統志亦金元古刹至明始廢

補鄆王拜珠薨晉王入繼逆臣誅命奉王像祠於海雲

寺

黃文獻集

增海雲禪寺佛日圓明大宗師海雲年十九開堂於慶
壽祖庭之興國厥後三住慶壽徧厯諸刹歲次辛丑燕
京普濟院僧衆舉寺以施於師曰此刹始立於金天會
七年至大定二年賜是名其地爽塏幽僻非師居之不
可元朝壬子春師罄衣鉢命庵主覺文等勦力興修殿
宇雄麗金碧輝映為諸刹冠以師之道號曰海雲賜為

寺額

元統
志一

補張炎題海雲寺杏花三姝媚詞芙蓉城畔侶乍却
却單衣茜羅重護傍水開時細看來渾似阮郎前度記

得小樓聽一夜江南春雨夢
蕭聲流水青蘋舊遊何
許誰剪層芳深貯使洗盡長安半面塵土絕似桃根
帶笑痕來伴柳枝嬌舞莫是孤村試與問酒家
何處曾醉稍頭雙果圓林未暑山中白雲詞

補普安禪師至溫於大都作資聖寺

道園學古錄

臣等謹按資聖寺今無考

補至正二十七年宮牆外長慶寺所掌成宗鄂爾多內

大槐樹有龍纏其上良久飛去樹皮皆剝

元史五行志

補金天眷四年十一月廢劉豫為河南道行臺傳送燕

京囚於栢王寺

竊憤續錄

欽定日下舊聞考卷一百五十五